



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### არყისძირა



არყისძირა (*Leccinum scabrum*), საჭმელი ქუდიანი სოკო. ქუდის დიამეტრი 15 სმ აღწევს, ნაცრისფერი, მონაცრისფრო-მურა, ზოგჯერ მოშავოა; ქვედა მხარეს აქვს თეთრი მილების შრე, რ-იც შემდეგ მონაცრისფრო-მურა ხდება. ფეხი 15 სმ-მდე სიგრძის და 3 სმ-მდე სისქისაა, ძირისკენ გამსხვილებული, ფერად თეთრი, დაფარულია მურა ან შავი ქერცლით. რბილობი თეთრია. იზრდება მხოლოდ არყნარებში ზაფხულ-შემოდგომით. საქართველოში გავრცელებულია ყველგან, სადაც კი არყი იზრდება (ტყის ზედა საზღვარზე). საჭმელად იხმარება ახალი, გამხმარი და დამუჟუჟებული. ერთ-ერთი საუკეთესო საჭმელი სოკოა.

**ი. ნახუცრიშვილი**

---

არყისძირა